

太上黃籙齋儀卷之十九二十

唐廣成先生杜光庭刑

人臣為國消災清且行道

入戶

各禮師存念如法

衛靈

青陽虛映 耀日回靈 神虎辟邪

飛天流鈴 摧奸滅試 萬魔束形

九微回道 八威攝精 千真校錄

三元蕩清 左嘯中黃 右策六丁

七轉八合 周旋天經 聖化巍巍

三道順行 慶雲流布 合景黃庭

鳴法鼓二十四通

無上三天玄元始三炁太上道君召出自身

中三五功曹左右官使者侍香金童傳言玉

女五帝直符直日香官各三十二人出出者

嚴裝闡啓玄壇天帝神君當召此間土地里

域真官正神急上關啓臣今奉為入意以今

朝元行道願得玉清道炁靈寶妙光下降流

入臣等身中即使玄壇清淨內外成真天無

氛穢地絕妖塵琳瑯振響十方肅清萬魔不

干真誠上徹令臣所啓速運運御

太上無極大道至真玉皇上帝御前

各稱法位

上清玄都弟子臣某等同誠上啓

虛無自然元始天尊無極大道太上大道君

高上大道金闕玄元天皇大帝太上老君昊

天玉皇上帝十方已得道大聖眾至真諸君

丈人三十六天帝君玉虛上帝玉帝大帝東

華南極西靈北真玄都玉京金闕七寶玄臺

紫微上宮靈寶至真明皇道君三十六部尊

經玄中大法師三界應感一切真靈臣等伏

闢大道宣行三才定位帝王立極四大齊尊

所以闢國統邦司牧羣有端旒負履臨御萬

方縱聖法天必資於幽贊時和俗泰實仗於

神功故得遵如祀之常儀備吉蠲之盛禮承

天事地昭奉上玄今屬災運所鍾進蒙所構

須祈禳既以啓昇平其官其乙誠切憂君志

深理國庾修齋直冀感真靈臣等忝職玄司

理宜開奏况奉詞旨敢不上聞

讀詞

按如詞言事形家國感載成之德荷覆載之

恩非叩玄關難希景祐是用肅恭丹懇崇設

皇壇仰碧落以馳心注清都而騰款以今清

且行道請法衆等連茲初捨上香

願此香煙騰空供養

無上至真道寶臣等歸身歸命首體投地仰

依

太上三尊願以是功德歸流

杜稷尊靈

宗桃先聖融神玄極靈景丹臺金闕玉京奉

睿謀於元始瑤圖寶曆延巨貺於神孫化時

而海晏河清流福而天長地久今故燒香歸

依

師尊大聖眾至真之德得道之後升入無形

和與道合真

以今清且行道請法衆等連茲二捨上香

願此香煙騰空徑上供養

無上至真經寶臣等歸身歸命首體投地仰

依

太上尊經願以是功德上願

皇帝瑞凝宸極福集聖躬同日月之明照臨

萬萬比乾坤之德覆育群生

皇后嬪妃光扶大寶

儲宮王子協贊鴻圖御輔庶僚元勳良弼文

功武烈共泰衆瀛今故燒香歸依

師尊大聖衆至真之德得道之後係天長存

和與道合真

以今清旦行道請法衆等運茲三檢上香

願此香煙騰空徑上供奉

無上至真師寶臣等歸身歸命首體投地仰

依

太上三師願以是功德歸流天上天下三界

十方大道神明諸天衆聖伏覲鎮寧國祚享

祐

聖朝耀雪霜雷電之威正春夏秋冬之令生

成品物誅殄兇妖蕩滌災殃延洪祚曆某官

某乙五山等峻八柱齊貞常拱紫宸永扶

皇極九玄升度品類昭蘇德兆康寧千戈戢

息飛沈有識咸享利貞今故燒香歸依

師尊大聖衆至真之德得道之後升入無形
和與道合真

禮方

懺悔

三啓頌

樂法以為妻 愛經如珠玉 持戒制六情

念道遺所欲 淡泊正蒸停 蕭然神靜默

天魔並敬護 世世受大福

三禮

臣等至心稽首禮

太上無極大道

臣等至心稽首禮

三十六部尊經

臣等至心稽首禮

玄中大法師

重稱法位

上清玄都弟子臣某等重誠上啓

太上無極大道元始天尊太上大道君太上

老君至真無上三十六部尊經玄中大法師

上相上宰四司五帝三界官屬一切真靈

等伏聞

三尊設教務精感以居先

上聖垂科當肅嚴而為本苟申素悃必達

尊靈竊惟造化之初逮于茲日非民無以

布化民非后無以鎮寧惟后配天惟王立極

何嘗不感資造化仗神功然後能奕葉流

芳傳休繼世尊自玄古有國有家克遵清靜

之規乃感玄元之澤

皇帝承天握紀應曆披元恭儉息和憂勤庶

政日慎一日夕惕晝乾而運屬晦蒙尚嬰災

否非愚至道康濟何由某官某乙夙著鴻勳

茲動丹懇致君憂國莫敢違寧是用精備香

花豐嚴信幣披心三境拜手諸天式聲明誠

仰希楨祐伏冀丹章上御玄灑下臨垂變化

之威神保遐長之祚曆詔命九天兵騎八極

風雷掃氛霧而廓乾坤殄災凶而安社稷使

姦妖蕩跡日月貞明琴宇風驅千戈冰釋叛

臣孽肅草面悅心疚委邪精雲收電掃熙熙

夷夏咸遵

道德之風穆穆紫區共悅

聖明之化其官某乙禄等滿街年齊椿桂永
度忠孝以奉君親
皇帝聖壽萬歲同北極南山之固瑤圖延遠
配天長地久之期壽動幽明俱升壽域上明
天尊大慈之化下副群衆等歸命之誠謹啓
以聞

發念

- 一 念為道四大合德齋主七世免脫憂苦上
升天堂衣食自然
- 二 念帝王國主道化興隆厚序濟濟皇教恢
弘威儀翼翼普天所瞻民稱太平四夷賓
伏妖惡自滅聖賢日生
- 三 念法師功德大建教化明達俱獲飛仙
- 四 念同志學人早得仙道更相關度
- 五 念九親和睦好尚仁義貴道賤財行為物
範
- 六 念損已布施道士及饑寒者天下人民各
得其所
- 七 念蠕動跋行一切衆生成家成就
- 八 念救贖前生今世罪對三功補過

九 念家國隆盛宗廟有人世生賢才
十 念尊受師經不敢中怠早等一心廣度一
切剋獲上仙白日登天拜見太上永成真
人雲車羽駕和與道合真

復爐

香官使者左右龍虎君侍香諸靈官當令臣
朝元之所自然生金液丹碧芝英百靈果真
交會在此香火洞案爐前令臣學道得道求
仙得仙
國家受慶幽顯沾恩十方仙童玉女侍衛蘭
煙傳臣向來所啓連達徑御
太上無極大道至真玉皇上帝御前
出戶

太上黃籙齋儀卷之十九

太上黃籙齋儀卷之二十

唐廣成先生杜光庭剛
人臣為國消災中分行道
入戶

各禮師存念如法

衛靈

丹靈朱火 炎霞激風 赤輪剛運
天光八衝 逆威包羅 交變萬方
流金豁落 羣魔蹙蹤 辟姦破妖
明耀元功 金符召制 躡雲乘龍
謠歌慶會 散花太空 神化冥運
四極安隆 伏御帝前 罔有不恭
鳴法鼓二十四通

無上三天玄元始三炁太上道君召出自身
中三五功曹左右官使者侍香金童傳言玉
女五帝直符直日香官各三十二人出出者
嚴裝開啓玄壇天帝神君當召此間土地里
域真官正神急上關啓日今奉為入意以今
行道之時願得玉清道炁靈寶妙光下降流
入目等身中即使玄壇清淨內外成真天無